

TOCCOS!

Istigas megalitigas galu 'ias
no ispinghen a dudas
chi mai amalgura che a oe
hapat azzottadu custa 'idda.

Sas campanas de Santu Gavinu
imbolan toccos prios, ma
si tremen finzas sos nuraghes!

In custu saltu no regnat pius
cuddu rispettu fattu
de antigu sentimentu,
su piantu pius no asciuttat
mancu azigu, inoghe
s'omine vivet de isfidia.

Inoghe no frimman pius
pantasimas bezzas nè noas,
como "Surviles" de razza
postu han in bia
pistighinzos de iscunfortu.
Toccos de coro in suddu
arreu prettan asseliu
improrende a manos giuntas
una laccana in sa traschia.

... Inoghe sos coros
imbezzan innanti 'e s'ora
ca s'omertade fattu hat nidu
in sinu a sa zigante debilesa.
Ma cando, cando dèn zessare
custos toccos chi giughen addae
imbasciadas murinas che tura
chi mai han a perder su nieddore!

Toccos, si contan solu toccos
e fuen ater'ue sas festas
pro chiricare oras de vida.
... Inoghe si contan ebbia
sas oras chi restan de piangher.
Toccos de rolozu sun sonende
a su 'entu oras chena mira
e chena cumbidu a sighire.

E da-e su mare de su tempus
si lean dies chena sensu
che chi tottu siat chena vida.

RINTOCCHI

*Tracce megalitiche ancora in vita / non spingono a dubbi / che mai sciagura come
oggi / abbia frustato questo villaggio. / Le campagne di San Gavino / lanciano
lenti rintocchi / ma tremano persino i nuraghi. / In questo salto non regna più quel
rispetto fatto / di sentimento antico, / il pianto più non s'asciuga / neanche un po,
qui / l'uomo vive di barbarie. / Qui non si fermano più / fantasmi, né vecchi, né
nuovi, / adesso streghe di razza / han posto per via / bruciori di sconforto. /
Rintocchi di cuore in sussulto / spesso pretendono quiete / implorando a mani
giunte / un limite alla tragedia. / Qui i cuori invecchiano prima / dell'ora, perché
l'omertà s'è fatto il nido in seno / alla grande debolezza. / Ma quando, quando
cesseranno / questi rintocchi che portano / lontano ambasciate di scuro spesso /
che mai sbiadirà da nero! / Rintocchi, si contano solo rintocchi / e fuggono altrove
le feste / per cercare ore di vita. / ... Qui si contano soltanto / le ore che restano da
piangere. / Rintocchi d'orologio suonano / al vento ore senza meta / e senza invito
a vivere. / ...E dal mare del tempo / si tolgono giorni senza senso / come tutto sia
senza vita.*